

ATCO a haya cooperacion total di DOW y polis pa transporta boiler pa WEB



ORANJESTAD(AAN):Dias abra por a mira movencion total riba L.G. Smith Boulevard ora cu for di oranan prome cu solo a sali ya caba

DOW hunto cu polis tabata trahando poniendo e bakinan di mata bek riba e ruta despues cu carnaval ta tras di lomba.

Pa casualidad net un boiler masha grandi mes a yega cu un barco den waf grandi.

E boiler aki mester a ser transporta pa WEB, pero e hanchura tabata hunga un rol grandi riba e transporte pa WEB.

E bakinan di mata tabata strobe e pasada di e boiler riba su trailer.

ATCO cu ta encarga cu e transporte a logra coordina hunto cu polis y DOW caminda a probecha mesora di hala e bakinan bek d'ital forma cu e transporte por a sigui sin ningun dolor di cabez dilanti di Royal Plaza te cu Wilhelmina Park bay ariba.

Polis naturalmente a sigui tambe coordina riba henter e ruta te ora cu e boiler a yega su destino.

Riba e foto aki por mira con tur cos tabata bay diasabra



mainta unda bon comunicacion entre ATCO, Polis y DOW un peticion cu

por a dura algun dia of siman a ser regla rapidamente y sin mucho dolor di cabez.

